

2014 Rhif 2291 (Cy. 226)

**Y GWASANAETH IECHYD
GWLADOL, CYMRU**

Rheoliadau'r Gwasanaeth Iechyd
Gwladol (Ffisiotherapyddion-
ragnodwyr, Podiatryddion-
ragnodwyr neu Giropodyddion-
ragnodwyr Annibynnol)
(Diwygiadau Amrywiol) (Cymru)
2014

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio Rheoliadau'r Gwasanaeth Iechyd Gwladol (Contractau Gwasanaethau Meddygol Cyffredinol) (Cymru) 2004 ("Rheoliadau 2004"), Rheoliadau'r Gwasanaeth Iechyd Gwladol (Presgripsiynau am Ddim a Ffioedd am Gyffuriau a Chyfarpar) (Cymru) 2007 ("Rheoliadau 2007") a Rheoliadau'r Gwasanaeth Iechyd Gwladol (Gwasanaethau Fferyllol) (Cymru) 2013 ("Rheoliadau 2013") drwy estyn y diffiniad o ragnodydd drwy fewnosod dau gategori o ragnodydd annibynnol: ffisiotherapydd-ragnodydd annibynnol; a phodiatrydd-ragnodydd neu giropodydd-ragnodydd annibynnol.

Mae'r Rheoliadau hyn hefyd yn diwygio Rheoliadau Codi Tâl am Fagiau Siopa Untro (Cymru) 2010 ("Rheoliadau 2010") drwy estyn yr esemptiad i'r gofyniad i godi tâl am fagiau siopa untro.

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

2014 Rhif 2291 (Cy. 226)

**Y GWASANAETH IECHYD
GWLADOL, CYMRU**

Rheoliadau'r Gwasanaeth Iechyd
Gwladol (Ffisiotherapyddion-
ragnodwyr, Podiatryddion-
ragnodwyr neu Giropodyddion-
ragnodwyr Annibynnol)
(Diwygiadau Amrywiol) (Cymru)
2014

Gwnaed 27 Awst 2014

*Gosodwyd gerbron Cynulliad Cenedlaethol
Cymru* 29 Awst 2014

Yn dod i rym 24 Medi 2014

Mae Gweinidogion Cymru, drwy arfer y pwerau a roddwyd gan adrannau 47, 80, 83, 86 a 203(9) a (10) o Ddeddf y Gwasanaeth Iechyd Gwladol (Cymru) 2006(1), ac adrannau 77 a 90 o Ddeddf Newid yn yr Hinsawdd 2008(2) a pharagraff 3 o Atodlen 6 iddi, yn gwneud y Rheoliadau a ganlyn:

Enwi, cychwyn a chymhwyso

1.—(1) Enw'r Rheoliadau hyn yw Rheoliadau'r Gwasanaeth Iechyd Gwladol (Ffisiotherapyddion-ragnodwyr, Podiatryddion-ragnodwyr neu Giropodyddion-ragnodwyr Annibynnol) (Diwygiadau Amrywiol) (Cymru) 2014 a deuant i rym ar 24 Medi 2014.

(2) Mae'r Rheoliadau hyn yn gymwys o ran Cymru.

Dehongli

2. Yn y Rheoliadau hyn—

(1) 2006 p. 42.

(2) 2008 p. 27.

ystyr “Rheoliadau 2004” (“*the 2004 Regulations*”) yw Rheoliadau’r Gwasanaeth Iechyd Gwladol (Contractau Gwasanaethau Meddygol Cyffredinol) (Cymru) 2004(1);

ystyr “Rheoliadau 2007” (“*the 2007 Regulations*”) yw Rheoliadau’r Gwasanaeth Iechyd Gwladol (Presgripsiynau am Ddim a Ffioedd am Gyffuriau a Chyfarpar) (Cymru) 2007(2);

ystyr “Rheoliadau 2010” (“*the 2010 Regulations*”) yw Rheoliadau Codi Tâl am Fagiau Siopa Untro (Cymru) 2010(3); ac

ystyr “Rheoliadau 2013” (“*the 2013 Regulations*”) yw Rheoliadau’r Gwasanaeth Iechyd Gwladol (Gwasanaethau Fferyllol) (Cymru) 2013(4).

Diwygio Rheoliadau 2004

3.—(1) Mae Rheoliadau 2004 wedi eu diwygio yn unol â darpariaethau canlynol y rheoliad hwn.

(2) Yn rheoliad 2(1), yn y manau priodol yn nhrefn yr wyddor mewnosoder y diffiniadau a ganlyn—

- (a) ““physiotherapist independent prescriber” means a person—
 - (a) who is either engaged or employed by the contractor or is a party to the contract,
 - (b) who is a physiotherapist, and
 - (c) against whose name is recorded in the relevant register an annotation signifying that he or she is qualified to order drugs, medicines and appliances as a physiotherapist independent prescriber;”;
- (b) ““podiatrist or chiropodist independent prescriber” means a person—
 - (a) who is either engaged or employed by the contractor or is a party to the contract,
 - (b) who is a podiatrist or chiropodist, and
 - (c) against whose name is recorded in the relevant register an annotation signifying that he or she is qualified to order drugs, medicines and appliances as a podiatrist or chiropodist independent prescriber;”.

(1) O.S. 2004/478 (Cy. 48). Yr offeryn diwygio perthnasol yw O.S. 2007/205 (Cy. 19).
(2) O.S. 2007/121 (Cy. 11).
(3) O.S. 2010/2880 (Cy. 238).
(4) O.S. 2013/898 (Cy. 102).

(3) Yn rheoliad 2(1), yn y diffiniad o “prescriber”—

- (i) ar ôl is-baragraff (d), hepgorer “and”;
- (ii) ar ôl is-baragraff (e) mewnosoder—
 - “(f) a physiotherapist independent prescriber, and
 - (g) a podiatrist or chiropodist independent prescriber;”.

(4) Ym mharagraff 49(3) a (4) o Atodlen 6 (amodau sy’n berthnasol i ddarparu gwasanaethau gweinyddu) ar ôl “pharmacist independent prescriber” ym mhob man lle y mae’n digwydd mewnosoder “, a physiotherapist independent prescriber, a podiatrist or chiropodist independent prescriber”.

(5) Ym mharagraff 64(1) a (2) o Atodlen 6 (sy’n ymwneud â nyrsys sy’n rhagnodi’n annibynnol, nyrsys-ragnodwyr annibynnol, fferyllwyr-ragnodwyr annibynnol a rhagnodwyr atodol) ar ôl “pharmacist independent prescriber” ym mhob man lle y mae’n digwydd mewnosoder “, a physiotherapist independent prescriber, a podiatrist or chiropodist independent prescriber”.

(6) Ym mhennawd paragraff 64 o Atodlen 6, ar ôl “pharmacist independent prescriber” mewnosoder “, physiotherapist independent prescriber, podiatrist or chiropodist independent prescriber”.

Diwygio Rheoliadau 2007

4.—(1) Mae Rheoliadau 2007 wedi eu diwygio yn unol â darpariaethau canlynol y rheoliad hwn.

(2) Yn rheoliad 2(1), yn y manau priodol yn nhrefn yr wyddor mewnosoder y diffiniadau a ganlyn—

- (a) “ystyr “ffisiotherapydd-ragnodydd annibynnol” (“*physiotherapist independent prescriber*”) yw person—
 - (a) sy’n ffisiotherapydd, a
 - (b) y cofnodir yn erbyn ei enw yn y gofrestr berthnasol nodyn yn dynodi ei fod yn gymwys i archebu cyffuriau, meddyginiaethau a chyfarpar fel ffisiotherapydd-ragnodydd annibynnol;”;
- (b) “ystyr “podiatrydd-ragnodydd neu giropodydd-ragnodydd annibynnol” (“*podiatrist or chiropodist independent prescriber*”) yw person—
 - (a) sy’n bodiatrydd neu’n giropodydd, a
 - (b) y cofnodir yn erbyn ei enw yn y gofrestr berthnasol nodyn yn dynodi ei fod yn gymwys i archebu cyffuriau,

meddyginiaethau a chyfarpar fel
podiatrydd-ragnodydd neu
giropodydd-ragnodydd
annibynnol;”.

(3) Yn rheoliad 2(1), yn y diffiniad o
“rhagnodydd”—

- (i) ar ôl is-baragraff (ch), hepgorer “ac”;
- (ii) ar ôl is-baragraff (d), yn lle “;” rhodder
“;” a mewnosoder—

“(dd) ffisiotherapydd-ragnodydd
annibynnol, ac

- (e) podiatrydd-ragnodydd neu
giropodydd-ragnodydd
annibynnol.”

Diwygio Rheoliadau 2010

5.—(1) Mae Rheoliadau 2010 wedi eu diwygio yn
unol â darpariaethau canlynol y rheoliad hwn.

(2) Yn lle paragraff 1(2)(a) o Atodlen 1
(esemptiadau) rhodder—

“(a) cynnyrch meddyginiaethol neu
gyfarpar rhestredig a werthir yn unol â
phresgripsiwn a ddyroddwyd gan
ymarferydd meddygol cofrestredig,
deintydd, rhagnodydd atodol, nyrs-
ragnodydd annibynnol, nyrs sy’n
rhagnodi’n annibynnol, optometrydd-
ragnodydd annibynnol, fferyllydd-
ragnodydd annibynnol,
ffisiotherapydd-ragnodydd annibynnol,
podiatrydd-ragnodydd neu giropodydd-
ragnodydd annibynnol neu
broffesiynolyn iechyd yr AEE;”.

(3) Ym mharagraff 1(3) o Atodlen 1 yn y manau
priodol yn nhrefn yr wyddor mewnosoder y diffiniadau
a ganlyn—

“mae i “ffisiotherapydd-ragnodydd
annibynnol” (“*physiotherapist independent
prescriber*”) yr ystyr a roddir yn rheoliad
2(1) o Reoliadau’r Gwasanaeth Iechyd
Gwladol (Gwasanaethau Fferyllol) (Cymru)
2013;”;

“mae i “podiatrydd-ragnodydd neu
giropodydd-ragnodydd annibynnol”
 (“*podiatrist or chiropodist independent
prescriber*”) yr ystyr a roddir yn rheoliad
2(1) o Reoliadau’r Gwasanaeth Iechyd
Gwladol (Gwasanaethau Fferyllol) (Cymru)
2013;”.

Diwygio Rheoliadau 2013

6.—(1) Mae Rheoliadau 2013 wedi eu diwygio yn unol â darpariaethau canlynol y rheoliad hwn.

(2) Yn rheoliad 2(1), yn y man priodol yn nhrefn yr wyddor mewnosoder y diffiniadau a ganlyn—

“ystyr “ffisiotherapydd-ragnodydd annibynnol” (“*physiotherapist independent prescriber*”) yw person—

- (a) sy'n ffisiotherapydd, a
- (b) sydd â nodyn gyferbyn â'i enw yn Rhan 9 o'r gofrestr a gynhelir o dan erthygl 5 o Orchymyn Proffesiynau Iechyd a Gwaith Cymdeithasol 2011 sy'n dynodi ei fod yn gymwys i archebu cyffuriau, meddyginiaethau a chyfarpar fel ffisiotherapydd-ragnodydd annibynnol;”;

“ystyr “podiatrydd-ragnodydd neu giropodydd-ragnodydd annibynnol” (“*podiatrist or chiropodist independent prescriber*”) yw person—

- (a) sy'n bodiatrydd neu'n giropodydd, a
- (b) sydd â nodyn gyferbyn â'i enw yn Rhan 2 o'r gofrestr a gynhelir o dan erthygl 5 o Orchymyn Proffesiynau Iechyd a Gwaith Cymdeithasol 2011 sy'n dynodi ei fod yn gymwys i archebu cyffuriau, meddyginiaethau a chyfarpar fel podiatrydd-ragnodydd neu giropodydd-ragnodydd annibynnol;”.

(3) Yn rheoliad 2(1), yn lle'r diffiniad o “rhagnodydd” rhodder—

“ystyr “rhagnodydd” (“*prescriber*”) yw meddyg, deintydd, nyrs sy'n rhagnodi'n annibynnol, nyrs-ragnodydd annibynnol, optometrydd-ragnodydd annibynnol, fferylllydd-ragnodydd annibynnol, ffisiotherapydd-ragnodydd annibynnol, podiatrydd-ragnodydd neu giropodydd ragnodydd annibynnol neu ragnodydd atodol;”.

Mark Drakeford

Y Gweinidog Iechyd a Gwasanaethau Cymdeithasol,
un o Weinidogion Cymru

27 Awst 2014